






Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3350 4° (LN 1198)







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3350 4° (LN 1198)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3350 4° (LN 1198)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3350 4° (LN 1198)



DA BOX

N<sup>o</sup> 3350.




*N. H. H. H. H.*



= L. N. 1198.

H







CARMEN FVNEBRE  
GRÆCOLATINVM.

IN OBITVM AMPLISSI-  
*mi, generosissimi, & incomparabilis Herois, D.*  
*IOHANNIS BILDE, D. de Bildisholm nobilitate*  
*stemmatis, pietate, virtute, & eruditione præstan-*  
*tissimi: Potentissimi & Sereniss: Regis Danie*  
*FRIDERICI II. in Gothlandia olim Præ-*  
*sidis fidelissimi & meritisimi: Qui in filii Dei*  
*vera confessione placidè ex hac vita in*  
*cœlestem emigravit, 4. Cal: Maii*  
*Anno 1575.*

ADDITÆ SVNT DVÆ ELE-  
GIAE Consolatoriæ: Vna ad nobilissimam  
Dominam CATHARINAM RON-  
NOV coniugem.

ALTERA ad generosissimum virum, nobilitate generis &c. præ-  
stantissimum, D. STENONEM BILDE fratrem  
D. Iohannis Bilde defuncti,

A

M. THORBERNONICO.  
LAO Ripensi.

*Apocalip. 14. μακάριοι οἱ νέκροι οἱ ἐν κυρίῳ ἀποθνήσκοιτες.*



MAGNIFICO, GENEROSO,  
ET VERE NOBILI VIRO, PIETATE,

& doctrina præstantiſſ: D. ERICO HARDENBERGH,

Domino de MATTROP: Mæcenati ſuo  
reuerenter colendo. S. D.

**H**eröum ſublime decus, clariſſima ſtirpis  
Gloria, qui claro ſtemmate nomen habes  
HARDENBERGE tuum: Charitum Muſæq; nouennæ  
Rarum ornamentum præſidiumq; meum.  
Ad iuga Leucoreæ patronum luget ademptum,  
Alterniſq; gemit mæſta Thalia modis:  
Dignus erat meritò fatiſ melioribus vi,  
Indigna eſt tanto, terra quieta viro,  
O quàm ſæpè meis ſtudijs tulit ille leuamen,  
Quamq; tulit largam, ſæpè petitus, opem.  
Mæſta igitur mens eſt, leni nec carmina ductu  
Noſtra fluunt, animum cura, dolorq; grauat:  
Si qua priùs triſtiſ meruerunt tempora luctus,  
Si qua dolore priùs, iuſta querela fuit.  
Nunc opus eſt lachrymiſ, triſteſ nunc fundere ſletus  
Conuenit, hic pondus debet habere dolor:  
Carmina proueniunt poſitiſ fœlicia curiſ,  
Tunc agitante Deo vena benigna fluit.  
Sufcipe placato funebria carmina vultu,  
Vt ſubeant grati muneris illa vicem:  
Sufcipe lugubriſ nec deſpice munera Muſæ,  
Munera muneribuſ inferiora tuiſ.  
Sic tua Pieriæ celebrent præconia Muſæ,  
Et tu i Mæonijs verſibuſ acta canant:  
Vnde vel in fontes riuo eſt ruitura ſupino,  
Gratiſ quam meritiſ ſit peritura tui.  
Vine precor Pyliuſ ſuperando ſplendiduſ annuſ,  
Vt te ſtirpſ generiſ quinta ſalutet annuſ:  
Perge meiſ ſtudijs ſynceruſ fautor adeſſe,  
Inde tibi veniet gloria ſumma vale.

Magniſi. Tue addictiſſ.

Thorbernus Nicolaus Ripenſiſ.





IVSTA EXEQVIALIA  
BEATIS MANIBVS, CLARIS-  
simi & nobilissimi D. Iohannis Bilde in cœlestem patri-  
am emigrantis, æternæ gratitudinis ergò soluta,  
per

THORBERNVN NIC: RIP:



*Vm mea nescio quo sunt obruta pectora luctu,  
Magnus et astringit pectora mœsta dolor:  
Hic ad arenosos Albis quos irrigat agros,  
Non exoptandus nuncius ista refert.  
Heros magnanimus Bildorum clara propago,  
Vir pius, eximia nobilitate satus,  
Mœrendum, æthereas animam exhalauit in auras,  
Vt repetat summi cœlica regna Dei:  
Conditione plagæ missa, spretaq; caducæ,  
In rutilum subito tendit adire polum.  
Hei mihi, quid primum querar? aut quo percitus æstro  
Funera deplorem? vah nimis atra dies?  
Aut quas inferias, aut quæ funebria soluam  
Digna satis meritis chare Patrone tuis:  
Ab utinam pro te mihi fata subire liceret,  
Fata libens subeam ductus amore tui.  
Æthera dum volucris, dum flumina piscis antabit,  
Donec in hoc aliquis corpore sensus crit:  
Non tua Lethæo tradam benefacta liquori,  
Non erit officij gratia vana tui.*

A 2

Eloqui-



Eloquar an fileam? cor præ mœrore fatiscit,  
 Hareret lingua metu & mœsta dolore riget.  
 Innumeris meritò mea mens erat obruta curis,  
 Pectore cuncta mihi membra pauente tremunt:  
 Sed puer ingenuus faciemq̃, animumq̃ parenti  
 NICOLEOS similis, dulce lenamen adest,  
 Is mihi tum fallit tardè labentia dictis  
 Tempora iucundis, carminibusq̃ suis,  
 Inclytus Aonij qui nunc est fontis alumnus,  
 Facundæ nitida Pallidis arte valens.  
 Cur mea Musa gemis? tandem deflere iacentem  
 Desine patronum, non rata vota foues,  
 Iam depone tuum cum tristi pectore luctum  
 Sat tibi mœroris tristitiæq̃ datum,  
 Frustra etiam queritur tristi mens anxia cura  
 Nec video fletu pondus inesse meo:  
 Tùm quia non aliter Diuûm pater atq̃ hominum Rex  
 Tùm pia fata ferunt, meta peracta negat.  
 Fata Deûm firmo constant adamante reuincta,  
 Non opis humanæ est flectere fata Deûm:  
 Aspera si precibus potuisssem flectere fata,  
 Vel prece, vel precio, iam rediuiuus erit,  
 Ipsa preces spernit dura implacabilis aure  
 Mors, precio nescit blanditijsq̃ capi.  
 Vnius ob noxam tanta indulgentia morti est  
 Permissa, vt nullis hætenus æqua foret:  
 Primus homo perijt, cuncti periëre minores,  
 Omnibus est mortis hæc adeunda via.

Non



Non refugit vulgi sordes, nec sceptrum veretur  
 Regum, magnorum nec timet arma Ducum :  
 Vtile si quicquam miseris mortalibus extat,  
 Hoc saevis manibus Mors rapit atra suis,  
 Aetati nulli parcit, nec parcit honori,  
 Optima permittit nec diuturna fore.  
 Attollis cur Parca tuas temeraria cristas?  
 Atq; hinc te titulum laudis habere putas?  
 Grandibus his audax spolijs age Parca superbi  
 Hunc iaculis iacta succubuisse tuis,  
 Hic minimè cecidit quamuis cecidisse videtur,  
 Mortis nec iaculis hic obijt, sed abit :  
 I nunc & gratare tuis Mors languida telis,  
 I nunc ostentans ampla trophæa nimis.  
 Quod nisi maiestas te freno angusta Tonantis  
 Sic regeret velut est arte regendus equus :  
 Prauos seruare, celebresq; bonosq; vicissim  
 Quosq; trucidare, Parca maligna, viros.  
 Debueras prauos homines auferre, & inertes  
 Qui modò sunt terræ pondus onusq; graue :  
 Sed nunc felices viuunt florentq; scelesti,  
 Inconcussa quibus pessima quæq; manent.  
 Iuris habere nihil poteras prius, accidit illud  
 Permissu excelsi, consilioq; Dei :  
 Sed trepidos animi tandem miseratus egenos,  
 Saluificam cælo misit amanter opem,  
 Eripuitq; suos gelidi formidine lethi,  
 Tartara nunc saltem sunt metuenda malis.



*Pierides Musæ præstanti aspergite busto  
 Aönias violas, Aöniasq; rosas,  
 Spargite humum folijs, pallentes ferte cupressos,  
 Officijs animam condecorate piam:  
 Floreat herois felix ut gloria tanti,  
 Clara nitet Phæbo dum radiante dies.*

*ΕΠΙΤΑΦΙΟΝ ΙΝ ΤΥΜΒΛΩ ΑΜΠΛΙΣ-  
 simi & generosissimi viri D. Iohannis Bilde.*

**Ε**ΝΘΑΔ' ΙΩΑΝΝΙΣ ΤΕ ΚΛΥΤΟΣ ΤΕ ΤΕΤΙΜΩΝΟΣ ἦζως,  
 Κῆται δέμας, ζαδίς μὴ ἀέκητι πατρὸς,  
 Σῶμά τε καὶ τῷ λυγρικᾷ δειδμημένον ὕπνῳ  
 ἔνθα, καὶ μίμνει ἢ εὐσεφάνορ:  
 Τυχὴ ἐκ βροτέων πηλὴν ἐν χερσὶ θεοῖδ  
 προσμύσῃ, αὐτὴ ἔφυ ὁλβίη ὅτι σόν.  
 Ἐρ δὲ θεῶν μόνῳ σήριξε βιαρκέα πίσιν,  
 τὸρ πόμῳος ζαδέοις ἐκκαρδίηδε νόμοις:  
 Ἐκλυε τῆς διδ' αὐτῆς ἑομοροῖσι μετ' οὐάσιρ ἀγνῆς,  
 μηδὲ ἀκκέμῃναι θεῶν ἀμέλῃσιν ἔπει.  
 Οἴκαδ' αὖτ' εὐξηνφ' ἀρετὰς ἥσκησ' ἐρατεινὰς,  
 καὶ σοφὸν ἔχερ ἑαῖς, ἐν πρᾶπίδεσι νόον:  
 Ἐκ δ' ἀρετῆς ἀγαθῆς κλέος ἀφθιτορ ἔνθερ ἑαυτῷ,  
 ὅττι υἱεὺς ἔσκε ἀνδρὸς ἀριπρεπέος.  
 Οἷδ' ἀέγῳ διδ' αὐτῷ εἰδ' ΙΩΑΝΝΙΣ ΠΕΛΕΘ' Οἷος,  
 τὰς ἀγαθὰς τέχνας καὶ μέγας ὅτι λόγον:  
 πολλῶν τῇ βελῇ δάσκαται πορίδ' ἔμναι ἄλλων,  
 κῆνον ἐπιστάμνων καὶ δεδάκκα σοφόν:  
 Οὐδ' ἀδακμονίῃ ἔχε ἀνέρα ἀμειπολένερ  
 ἠδὲ διδ' αὐτῷ ζῆοχ' ἄριστος ἔφυ.

Μη κακὰ

Μὴ κακὰ ῥέζουσιν, τὰ δὲ μή ποτ' ἐμνήστω θυμῷ  
 Ναιετάσκειν αἰὲ νόσφι θεοσυνίης·  
 εὐμπαυτὲς μέροπες μὴ ἐπώνεον ἢ φίλις  
 πᾶσι, χαρίζεσθ' ἢ μεμαώς τὲ βροτοῖς.  
 οὐδέ αὖ τέκνα μόνον ἠγάπα, φίλῃ τε δόμαρτα  
 καλίσλω ΚΑΤ' ἌΡΗΝ καὶ δέμας ἠδὲ φυήν,  
 τέκνα τ' ἀγαπήσθεις ἐὰν θρέψετε καὶ ἀτίτηλιν  
 αὐτά τε καὶ δέδαιεν πάντα θεοῖο φόβον·  
 Ἀλλὰ καὶ ἔσκε λιμὴν ἕως ἅπασιν πένκσι φαινόσ  
 μούσαις εὐφρονέων ἀγλαὰ δῶρα πόρεν.  
 ὧς οὖν ἐζώεσκειν, ἀτὰρ πλὴν σάρκα λιποῦσα  
 εἰσέβη ψυχῇ λαμπρὰ μέλαθρὰ πόλιν·  
 ἦχι παρὰ χριστῷ σωτῆρι σὺν ἀγγελιώταις  
 νῦν διάγει βιότον πάμμακας αἰδίου,  
 ἀντλῶσ' ἀενάου πηγῶν ἀγάπης ἀμιάντα  
 ἐκδεόδην, πλήρης χάσματ' ἀμβροσίαν.  
 ὧς δὲ ἀνὴρ νέσθῃε μῦθον ἀδίου δέοι αἰών.  
 ἔπλετο, καὶ κρυζοῦν κηρὶ ὄλωλε τάχα·  
 τὰς ὀδύνας, πένθος τε, καὶ ἄχθεια κάλλιπερ ἄμμην  
 ἔμβαλερ ἄμμι γόον πᾶσιν ἔθηκερ ἀλγῶν.  
 Ἀλλὰ ἀποψύξασκε βίον, πῆτ' ὅς ἐψιμέδοντ'  
 καὶ θάνα, καὶ μέγα λυγρὸν ἔκκλι δεῖ·  
 καὶ κούρῃς ἐμπαλιν ἄμορφοι ἠδὲ καὶ αἶα γένοιτο,  
 ἐξ ὧν ἐπλάσθης χερσὶ θεοῖο πάρος.  
 μοῖρ' ὅλον χροῖον φῶτας καταπέφιν ἅπαντας  
 ἐνδίκον ἠδ' ἀγαθόν καὶ ἐπιχαίρεκακόν.  
 ταῦδε καὶ εὐμορφοῖ οὐ πώποτε ἄνδρες ἄλυσαν,  
 οὐ ποτε φεδομλὴν, δεξιὴ λάβεσκε βροτοῦς.  
 Ἄμμες πάντας ἔλα, οὐ γὰρ δωάμεθα ὅθι  
 γήρα' εὐρέμεθα, καὶ θανάτῳ ἄκ'.

T. N. R.

EPICE.



EPICEDION IN OBD  
TVM NOBILISSIMI HEROIS  
& Musarum Mecœnatis, D. IO-  
HANNIS BILDE.

**E**Larus IOHANNES virtutibus, inclytus Heros  
Stirpis BILDIACÆ, Nobiliumq; decus,  
Nobilis antiquo proauorum stemmate, longè  
Nobilior veri cognitione Dei:  
Conditus hic dormit, Pario sub marmore, viuit  
Sanus at in Christi Spiritus ipse sinu.  
Vtq; puer teneris fuerat formatus ab annis  
Ponendum in primis partibus esse Deum,  
Sic mansit pietas cordi, cultusq; supremi  
Numinis, vnde salus omnibus alma venit:  
Dilexit vigili diuinos pectore cultus,  
Demonis extinctos quos cupit esse furor,  
Agnouit Christum, sacri mysteria verbi  
Abdita perpendens, mente, fideq; Deum,  
Posthabita siquidem pietate, Deoq; sciebat  
Censeri iusti nomine posse nihil.  
Num decus est maius, quàm mens pia luce refulget  
Cœlesti, quàm cor fulget amore Dei?  
Is igitur potiore animi sententia adorans  
Inuicta numen auxiliante manu,  
Assiduè & veterum de Christo oracula vatum  
Quæ monachis nunquam nota fuere legens:

Ditior.



*Ditior interna superat virtute Latinos  
Ter centum mutos qui coluere Deos,  
Et densa oppressi mentis caligine, verum  
Contemnunt miseri religionis opus,  
Atq; volutabris cœnoso gurgite lamis  
Gaudent, dum lapidem & putrida ligna colunt.  
Nulli posterior pietatis laude, nec ulli  
Ingenua inferior dexteritate fuit:  
Ipsi nec grauitas, nec blandæ gratia frontis,  
Nec deerat mentis gloria vera piæ.  
Iusticiæq; tenax expendens omnia lance  
Æqua, sint homini seu tribuenda Deo:  
Munificus cunctis contempsit mente caducas  
Diuitias, nec non munera flaua Midæ.  
Adde quod à Phæbo Clarios abductus in hortos  
Exhaustis fontis cuncta docentis aquas,  
Hinc magis atq; magis præclaræ laudis amore  
Accensus, propero culmina celsa gradu  
Musarum scandit, testatæ gaudia Musæ  
Imposuere suis, laurea ferta comis:  
Dives ut eloquio Latia quoq; maximus arte  
Graio tentaret, fonte leuare sitim.  
Vrbes dum varias quas nutrit Gallia diues  
Perlustrat faciens per loca multa moras,  
Istas cum peragrat terras ad Parrhisiarum  
Mania ducit iter, tecta ubi celsa nitent,  
Et varijs studijs ubi tunc Academia florens  
Exitit, & doctis clauit aucta viris:*

*B*

*Hic*



Hic didicit quæcumq; viro sunt principe digna,  
 Luxuriæ nunquam desidiaq; vacat,  
 Vix quidem credo quenquam studiosius artes,  
 Et pariter linguas perdidicisse bonas,  
 Quas grauis exposcit tum curia, & actio plebis,  
 Ne turbet medium stidula turba forum.  
 Culta sed hæc postquam studijs effloruit ætas,  
 Quæ solet heroum mens generosa capi:  
 DANORVM ad cultas ducit vestigia terras,  
 Pierij & redijt splendor, honorq; gregis.  
 Vt proauos taceam, clari si gesta parentis,  
 Et clarum generis stemma referre queam:  
 Multa forent Musas Phæbeaq; numina testor,  
 In laudes possem quæ recitare viri.  
 NICOLEOS genitor celsa virtute nitebat,  
 Antiquæ auratus nobilitatis Eques,  
 Atq; à Consilijs Regi, Regniq; senator  
 Exitit, hinc donec fata tulere senem:  
 Consilio magnus, clarus pietate, Mineræ  
 Dotibus excellens, nomine, req; probus,  
 Emicuit sapiens, gratus sermone disertus,  
 Illius & Nestor temporis alter erat.  
 Sed iam non locus est tantas describere laudes  
 Nec vires nostræ pondera tanta ferunt:  
 Hoc alius faciat vena meliora canendi  
 Præditus, ast restant quæ meminisse decet.  
 Hæc virtus gnato stimulos dedit æmula magnos,  
 Vt benè adæquaret splendida gesta patris,

Cumq;



Cumq̃ sit heroum generoso sanguine cretus,  
 Non hominis certè pectus inertis habet.  
 Consilio is proauos superat, pietate parentes,  
 Et virtute genus non sine laude suum,  
 Ante alios quoniam æuo florente gerendis  
 Stenuus in rebus, fortis, & acer, erat:  
 Pallentesq̃ reos causas orando tueri  
 Norat, & orantis fluxit ab ore lepos,  
 Vt putet arcano cunctos medicamine captos,  
 Si hominum poterat flectere corda loquens.  
 Regibus à nostris magno fuit auctus honore,  
 Præsidis huic tribuunt nomine, & arce frui:  
 Hic vbi Gothorum sedes (sed vergit ad Arcton  
 Terra Lycaoniam) prima & amena fuit.  
 Diues opum, niuei pecoris quoq̃ copia abundans  
 Insula montanis vndiq̃ cincta iugis:  
 Gravior hoc nautis, magis optatusq̃ colonis,  
 Nullus in Arctōo dicitur esse locus,  
 Incola nec similes habitat magalibus ædes,  
 Magnificæ ostentat ardua tecta domus.  
 Vndenos hîc iam totos regnabat in annos  
 (Rexit Danorum cùm FRIDERICVS opes)  
 Præsidis eximij iusto moderamine functus,  
 Ante suis rebus publica sæpè tulit:  
 Muneris & partes sensu dyjudicat acri,  
 Conferret patriæ vt commoda multa sua.  
 Tùm latè ignotis spargit facta inçlyta terris,  
 Et rutilo meruit digna trophæa polo.

B 2

Romulus



Romulidum veluti clara virtute micantū  
 Æmulus, is nerat munus obire ducis,  
 Armigeros etiam tum Marte & arte Quirites,  
 Tum rebus gestis exuperare potest.  
 Cum GOTHLAN diacos tentat gens SVETICA fines,  
 Et populis rupto fœdere damna dedit,  
 Martis præcipuus labor in sua terga recedit  
 Totius & belli credita summa fuit:  
 Ductor erat quo vix animi præstantior alter,  
 Marte fero quoties bella cienda forent.  
 Tunc quis IOHANNEM præclarum heroa fuisse?  
 Magnanimiq; viri pectus habere neget?  
 Conueniente loco turmas erat inter equestres,  
 Secura haud voluit delituisse domo.  
 Regia tum classis quæ missa, è finibus hostem  
 Ut procul arceret, noxia damna tulit,  
 Namq; procellosis agitata fluctibus undæ  
 Submergunt classem non sine clade graui:  
 Funesta hîc hominum crudeli funere strages  
 Littoribus cunctis conspicienda datur,  
 Qualis visa fuit Danaï cum cincta premebant  
 Pergamæ, & Illiacas obsidione domos.  
 Nec deducta quidem belli tormenta fuerunt,  
 Quæ nimium grauidas impediere rates:  
 Terruit heu nautas violentus turbine ventus  
 Nec cuiquam propriæ cura salutis erat.  
 Ardua res visa est, & deploranda nequibat  
 Auxiliatrices hisce referre manus:

Illos



Illos aduerso validus luctamine ventus,  
 Hos duri Martis impediēbat onus.  
 Mansit IOHANNIS mens inconcussa periculis  
 Arx quamuis denso milite cincta fuit,  
 Tullius vt quondam concinna voce Quirites,  
 Conscriptosq; patres, commouet arte sua,  
 Illi ductorem facilesq; citiq; sequuntur,  
 Nec pharetris parcunt hostis acerbe tuis:  
 Haud secus ille animos dictis & pectora mulcet,  
 Militibusq; suis talia dicta dedit.  
 Aduersos vestris hostes defendite ab oris,  
 Ferte citi celeres tela parata manu:  
 Ad Domini iussum concurrunt agmina læta,  
 Inq; hostes rigidos densa caterua ruit.  
 Hac virtute ducis præsens victoria parta est,  
 Dant SVECI in trepidam terga cruenta fugam,  
 Tanta viri grauitas, & gratia tanta loquentis,  
 Degeneres animos sic trepidare facit:  
 Repressit mentem SVECIS ne fœdere rupto  
 rursus tentarent horrida bella sequi.  
 His benè transactis dum cessant prælia Martis,  
 Ad patrij redijt dulcia rura soli:  
 Ardor honestatis radicibus aucta meretur  
 Tunc clarum ingenio nobiliore decus,  
 Hunc ita præ reliquis splendentem SCANIA vidit  
 Vt micat ignitas Hesperus ante faces.  
 Ipse Deus multa fecundans prole parentes  
 Legitimi huic dederat pignora chara thori.



Sex etenim hîc natos sublatuſ morte reliquit,  
 Tres quoq; filiolas vt monumenta ſui:  
 Gnatuſ cum Gnata primæuo in limine vitæ,  
 Inuida mox fato mors properante tulit.  
 Iam cum cœlitibus verſatur iure miniſtris  
 Filiuſ, & Chriſto carmina grata canit:  
 Angelicas inter viuut caſtiſſima turbas  
 Filia, virgineis addita virgo choriſ.  
 Quæ ſuper eſt fulget claro ſplendore propago,  
 Quam regat æterni filiuſ ipſe Dei,  
 Exhibeatq; ſuo laudemq; decuſq; parenti,  
 Hæc donec mundi Machina pulchra manet:  
 Æmula quo proleſ Patrem Matremq; ſequatur  
 Hunc ſtudijs, illam moribus, atq; fide,  
 Stirpiſ BILDIACÆ longæua in ſecula famam  
 Auctam transmittat, non ſine laude domuſ.  
 Diueſ opum quamuiſ condebat ſplendida teſta,  
 Neglexit Chriſti non tamen ille gregem:  
 Quis precor ignoret quòd nec ſtudioſior ulluſ  
 Feruidiorq; ſub hoc æthere natuſ agat,  
 Qui ſic ingenuoſ Muſarum fouit aluſnoſ  
 Obtulit hiſ larguſ Cræſuſ vt alter opes.  
 Nunc quæ præſtiterat multa cum laude Camœniſ  
 Sumptibuſ ex proprijs SCANIA teſtiſ erit,  
 Hafniæq; altiloquiſ quæ nuuc præluceſ Atheniſ,  
 Teſtiſ erit Muſiſ præſtita dona ſacriſ.  
 O dolor atq; decuſ Phæbi, quiſ præmia tantis  
 Digna feret meritiſ? triſtia quemq; premunt.

Et da



Digna quis illius cantet præconia famæ?  
 Hæc tantum Musis vis animosa datur,  
 Qui benè res gestas famosa laude alias,  
 Magnificè cantant & super astra ferunt:  
 Et datur ille tibi vis carminis auree Phæbe,  
 Nam vestrum coluit numen honore pari.  
 Arbitrio qui fata suo moderatur in aulam  
 Hunc tulit ætheream, spirituumq; chorum:  
 Ipse vicens annis Musarum fautor Apollo  
 Pars ingens nostri, dulce levamen habet.  
 Dignus erat Musis longam traducere vitam,  
 Dignus & æterna prosperitate frui:  
 Hic ne quid turpè aspiceret nunc gaudet Olympo,  
 Lustratus claro sanguine Christe tuo.  
 Egregium memori splendorem laude reliquit,  
 Lethæis unquam ne premeretur aquis:  
 Cum a polo & stellis victurum in secula nomen  
 Inq; seris sæclis fama superstes erit.

I.  
 ELEGIA CONSOLATORIA SCRIPTA AD NO-  
 bilissimam, pietateq; ornatissimam Dominam D. CATHARINAM  
 RONNOR: Generosissimi D. IOHANNIS  
 BILDE defuncti coniugem.

Iuncta sed egregio præstans CATHARINA marito,  
 (Quæ de RONNORVM sanguine clara nites: )  
 Desine magnanimum postquam pia fata tulerunt  
 Deplorare virum, cœlica regna tenet:  
 Charus enim vixit soboliq; , Deoq; , suisq; ,  
 Suavior & nemo ulsit amore tui,

Is c.



Hic etenim placito fessus persæpe labore,  
 Nunc recreat somnio membra sopita leui.  
 Sustulit hunc fatum, quia sic diuina voluntas  
 Deceuit, rata sunt cuncta iubente Deo:  
 Transulit hunc Dominus promissi ad gaudia cœli,  
 Sordibus è mundi quo benè purus erit:  
 Deferuit mundum, cœlesti fulget in aula,  
 Conspectu fruitur colloquioq; Dei:  
 Non hunc insidiæ Satanæ non vlla cupido  
 Vexabit mundi, nec noua causa mali:  
 Nunc oculis coram præsentibus aspicit ipsum  
 Christum, quem solida viderat ante fide:  
 Pro terra cœlum, vitam pro morte perennem,  
 Pro grauib; curis gaudia firma tenet.  
 Illi læticiæ strepitu sine, veraq; vita:  
 Hic homines nihili tristes & vmbra sumus,  
 Hic res angusto versantur cardine nostræ,  
 Hic imperfecti viuimus atq; mali.  
**Es CATHARIN** Atuum rursus visura maritum  
 Quodq; trahis prisca nobilitate genus:  
 Cum Christus veniet cœlo sublimis ab alto,  
 Et recinent summum classica pulsa diem.  
 Excedens mundo tibi pignora chara reliquit,  
 His Deus ipse paterq; tutor, & altor erit,  
 Te committe Deo, cunctos qui dirigit actus,  
 Tristia fata dedit, post meliora dabit:  
 Et tibi sit cordi, Domini benedictio prolem  
 Auget iustorum prosperitate bona,  
**Psalmographus** liquido hoc certis ostendere signis  
 Conatur, certis & sacra scripta notis.  
 Virtutis niueæ cœlo venit impetus ardens,  
 Commenda voris teq; tuosq; Deo:  
 Fortibus eduntur fortes, & clara parentum  
 Progenies rarò degenerare solet.  
 Spes tua nixa Deo recreat qui flamine corda  
 Ille suos nunquam morte perire sinet,

Qui pro-

Qui proprio ad mortem non vellet parcere gnato  
Hic etenim mystes crimina nostra luit:  
Victima peccatis hominum mactanda piandis,  
Innocua mortis vulnera mente subit,  
Amplius haud Lachesis, nec tu mors frigida quicquam,  
In Christi famulos iuris habere potes.

A. T. N. R.

II.

ELEGIA CONSOLATORIA  
SCRIPTA

AD AMPLISSIMUM ET VERE  
RE NOBILITATIS DOTIBVS ORNATVM,  
*virum pietate, virtute, sapientia, & facundia præstantissimum,*  
D. STENONEM BILDE Dominum de VVandöf,  
*Patronum & fautorem suum summa & debi-  
ta reuerentia observandum.*

Aniacos inter procures celeberrime STENO  
**D** Qui decus eximiae nobilitatis habes:  
Tu gemis extincti supremæq; funera fratris,  
Nam tibi Theseo foedere iunctus erat,  
Et potius cuperes vitale relinquere lumen,  
Hunc superesse tibi si pia fata darent,  
Non tantum Pylades charum dilexit Oresten  
In quibus assidue mutuus ardor erat:  
Quantum dilexisti germanum sanguine fratrem,  
Tâm vehemens sogyn te redamare facit:  
Plus adamavit eum cœli, terræq; creator,  
Cuius permissu non obiit, sed abit:

C

Nectamen




Nec tamen Elisij in vallibus umbra vagatur,  
 Sed cum cœliis regna beata tener,  
 Angelicos inter coctus heroica mens est  
 Et pocana canit concelebratq; Deum.  
 Nec quicquam morti de se concedit amaræ  
 Ossa nisi, & tenuem quæ teget ossa cutem:  
 Parte sui vivit multò meliore superstes,  
 Haud obijt cuius nomen, honosq; manent.  
 Vivere dignus erat longævæ secla Sybillæ,  
 Tithoni & seros posse videre dies:  
 Nam diuina fuit pietate insignis, & acri  
 Iudicio præstans, & probitate grauis.  
 Non illo maior, nec erat sublimior alter,  
 Gloria digna viro non satis vlla datur  
 Dum face Phœbus obit terras, dum cornua Phœb:  
 Pulchra gerit, celebris fama superstes erit.  
 Hic ego longa tui canerem præconia fratris,  
 Et veherem superæ laude per astra domus,  
 Sed premor ingenti tantarum pondere rerum,  
 Et moles vires opprimit ista meas:  
 Vix istas digno cantaret carmine laudes,  
 Maxima Peligni gloria Naso soli.  
 Sed quia per se se nunc est laudatior ipse,  
 Quam qui præterea possit habere decus:  
 Desine luctifonas iccirco STENO querelas  
 Fundere, tum fratris morte dolere tui,  
 Qui Christum amplexus clypei vice, spicula mortis  
 Vicit, tum stygij tela cruenta ducis.  
 Sic sua fata manent omnes, omniq; cadendum est  
 Et nihil eximium mors finit esse diu,  
 Omnia mors abolet virtutem præter & artem;  
 Mens immortalis sola perire nequit:  
 Omnia prætereunt, nulla est sincera voluptas  
 Rebus in humanis, fluminis instar eunt:  
 Prospera contristat fato fortuna seверо,  
 Aspergitq; labem Parca inimica bonis.

Tam vas

Tam varia est etenim, tam fallax alea vitæ,  
 Versans humanum speciem metuq; genus,  
 Et fragilis vita est hominum, damnosa, superba,  
 Aerumnis multis plena, caduca nimis:  
 Tot secum ærumnas, tot continuosq; labores  
 Prouehit, insidijs vndique cincta malis.  
 Plurima sed Christi, solatia dogmata præstant,  
 Quod vult feralis pellere tela necis:  
 Nam mortem victor moriens aboleuit acerbam,  
 Ne noceat posthac mortis imago pijs.  
 Cum latus æthereo cœtu stipatus vtrunq;  
 Cunctorum inquirat facta peracta Deus,  
 Corpus & indutum rediuiua carne redibit  
 Ad superas auras, syderiumq; polum:  
 Tùm quibus innocuo sine crimine vita peracta est,  
 Præmia cœlesti his sede reposta manent,  
 Tùm varia accipient varias benefacta coronas,  
 Cunctaq; iudicio sint manifesta Dei.  
 Cœlitibus mistos, in regna paterna receptos  
 Prosperitate bonos vita corusca beat:  
 Peruersa impietas percat fornacibus ignis  
 Aeterni diris, Eumenidumq; malis.

A. THOR. NIC. RIP.






# EPITAPHIVM GENEROSO,

SAPIENTI, FORTI AC BONO VIRO, DN. IO-  
HANNI BILDE Domini Bildisholmij Scriptum à

Iohanne Georgio Sadolino. P. L.

 *Visquis es, & lustras isibac monumenta viator,  
Siste gradum, paruo carmine multa scies.  
Natus IOHANNES BILDORVM stirpe vetusta  
Qui fuit, hic gelida iam requiescit humo.*

*Ingenio præstans, lingua facundus, & arte  
Fœlix, æthereas accumulârat opes.*

*Et Latio, Graioq, simul sermone peritus,  
Cum doctis potuit verba diserta loqui.*

*Linguas præterea multas cognouit, & vsum  
Addidit: usque adeò vir studiosus erat.*

*Acri iudicio lites componere nôrat  
Edoctus Legum sancta statuta sequi:*

*Hostibus ausus erat concurrere fortibus armis  
Pro patria quoties bella gerenda forent.*

*Marte velut rigidus, sic fultu pace modestus:  
Heroo siquidem pectore clarus erat.*

*Nam grauis & iustus, constans & amabilis heros  
Vixit: ab hac fama nobile nomen habet.*

*Salve care Deo vir, salve miles honeste,  
Cumq, bonis Diuis celsus honore vige.*


*Salve fortis Eques, tua laus inuisa manebit  
Dum liquidas voluet Balibica Tethys aquas.*

*Sedibus Æthereis tua mens nunc enitet inter  
Illustres animas Angelicosq, choros.*


*Et mundi cum finis erit, tunc corpore pulcro  
Splendens, cum summo Rege perennis ages.*

*Quisquis es, & nostrum legisti carmen, amice,  
Sis pius & prudens, & sapienter abi.*

FINIS.







3350.